

Na osnovu člana 34. Statuta Teniskog saveza Bosne i Hercegovine (u daljnjem tekstu: Savez), Stručni odbor Saveza na svojoj sjednici održanoj **23.12..2014.** godine donosi

## **P R A V I L N I K**

### **O POJEDINAČNIM TENISKIM TAKMIČENJIMA**

#### **I OPŠTE ODREDBE**

##### **Član 1.**

Pravilnik sadrži osnove za izradu propozicija, i uslove za organizaciju takmičenja, kao i obaveze svih učesnika.

##### **Član 2.**

Za međunarodna takmičenja koja se održavaju u BiH važe pravila i propisi ATP, WTA, ITF i TE.

##### **Član 3.**

Pravilnik se primjenjuju na teniska takmičenja iz Kalendara TSBiH, TSRS , TSFBiH i **takmičenja kantonalnih saveza koji se buduju za rang liste Saveza.**

#### **II KATEGORIJE I DISCIPLINE**

##### **Član 4.**

Takmičenje se organizuje u sljedećim kategorijama:

- Do 10 godina
- Do 12 godina
- Do 14 godina
- Do 16 godina
- Do 18 godina
- Seniori-seniorke
- Veterani +35
- Veterani +45
- Veterani +55

##### **Član 5.**

#### **OBAVEZNE DISCIPLINE**

Na svim turnirima iz kalendara Saveza igraju se muški i ženski singlovi. Na svim državnim prvenstvima (osim dvoranskih) i turnirima I kategorije obavezno se igraju muški i ženski parovi u starosnoj dobi iznad 12 godina.

## Član 6.

### KOTIZACIJA

Organizatori Državnih prvenstava, Mastersa, izbornih turnira I kategorije (entitetska prvenstva), turnira II kategorije iz kalendara TS BiH kotizaciju uplaćuju TSBiH, a organizatori turnira III i IV kategorije iz kalendara TS BiH kotizacije uplaćuju entitetskim savezima.

Iznos kotizacije i iznos prijavnine za svaku takmičarsku sezonu određuju **Upravni odbor Saveza. U slučaju da UO TSBIH ne donese odluku o visini kotizacije i prijavnine za tekuću godinu, na snazi ostaje odluka koja je do tada bila u primjeni.**

## Član 7.

### TRAJANJE TURNIRA

Svi turniri traju do 3 dana.

Državna prvenstva i svi ostali turniri počinju subotom. Državna dvoranska prvenstva mogu početi i drugim danima.

## III PRAVO UČEŠĆA

### Član 8.

**Na svim takmičenjima iz kalendara TS BiH, pravo učešća imaju samo licencirani igrači čiji su klubovi registrirani u TS BiH.**

**Igrači članarine uplaćuju TSBIH. Članarine TSBIH mogu uplatiti i entitetski, kantonalni savezi i klubovi za takmičare koji su učlanjeni u te saveze, odnosno klubove.** Bez uplate članarine neće se moći vršiti bodovanje za rang liste. Igraču koji nije platio članarinu za prethodnu godinu neće se uzeti u obzir bodovi iz prethodne godine.

Posebnim odlukama Upravnog odbora TSBIH regulisaće se način i visina plaćanja članarina za tekuću godinu.

**U slučaju da Upravni odbor TS BiH ne donesu odluku o visini članarine za tekuću godinu, na snazi ostaje odluka iz prethodne godine.**

Klubovi su dužni savezima dostaviti spisak igrača koji su obavili ljebarski pregled do 1 aprila.

### Član 9.

Takmičari, državljani BiH koji žive u inostranstvu imaju pravo učešća na Državnim prvenstvima, kao i svim otvorenim prvenstvima, pod uslovom da su registrovani za domaći klub.

### Član 10.

Takmičari, strani državljani, bez obaveze registracije u bilo kom savezu, imaju pravo učešća na svim otvorenim prvenstvima, osim na prvenstvima BiH i Entitetskim prvenstvima. U slučaju da su registrovani za domaći klub i da su platili članarinu ili u slučaju uplate članarine direktno na Savez, strani državljani će biti bodovani po pravilniku o rangiranju TSBIH.

### Član 11.

Pravo učestvovanja na turnirima po starosnim kategorijama imaju:

- veterani 35+, veterani 45+ i veterani +55 ako u toj godini pune 35, odnosno 45 godina, odnosno 55 godina;
- seniori-ke bez starosnog ograničenja;
- juniori-ke do 18 godina, koji u toj godini navršavaju 18 godina i mlađi;
- juniori-ke do 16 godina, koji u toj godini navršavaju 16 godina i mlađi;
- juniori-ke do 14 godina, koji u toj godini navršavaju 14 godina i mlađi;
- juniori-ke do 12 godina, koji u toj godini navršavaju 12 godina i mlađi;
- dječaci-ce do 10 godina, koji u toj godini navršavaju 10 godina i mlađi.

Takmičari mogu igrati i jednu stariju starosnu kategoriju. Dvije starosne kategorije mogu igrati samo takmičari rangirani od 1-og do 8-og mjesta u svojoj starosnoj kategoriji.

### Član 12.

Na takmičenjima sa više starosnih kategorija (kada se igraju paralelno) igrač može nastupiti samo u jednoj starosnoj kategoriji.

## IV ORGANIZACIJA TAKMIČENJA I OBAVEZE ORGANIZATORA

### Član 13.

Stručni odbori saveza svake godine do 01.12. raspisuju konkurs za organizaciju teniskih takmičenja za narednu takmičarsku sezonu. Konkurs je otvoren do 31.12. U roku od 15 dana od zatvaranja konkursa, Takmičarske komisije dostavljaju Stručnom odboru TSBIH prijedlog kalendara na usvajanje i organizaciju takmičenja.

**Broj turnira u jednoj takmičarskoj sezoni po kategoriji ne može biti veći od 20.**

**Broj turnira prve i druge kategorije po jednoj takmičarskoj sezoni, uključujući državna prvenstva i masterse, ekvivalentan je broju turnira treće i četvrte kategorije u istoj takmičarskoj sezoni.**

### Član 14.

**Organizator državnih prvenstava, državnih ekipnih takmičenja, i državnih mastersa turnira je TSBIH. Organizatori turnira I, II, III i IV kategorije mogu biti entitetski, kantonalni savezi i klubovi licencirani u TSBIH.**

Svi organizatori turnira moraju imati izmirene finansijske obaveze prije dodjele turnira prema TSBIH.

### Član 15

Kategorija turnira se utvrđuje unaprijed prilikom izrade kalendara takmičenja za tu godinu.

### Član 16

Uslovi za organizaciju državnih prvenstava i turnira **I kategorije**:

- minimalno 6 terena za kategorije 10, 12 i 14 godina, odnosno 3 terena za ostale

kategorije na otvorenom na jednoj lokaciji sa jednakom podlogom, odnosno minimalno 3 terena u dvorani za dvoranska prvenstva;

- PC računar, printer, i konekciju na internet;
- svlačionice, posebno muške posebno ženske, sa svim potrebnim sadržajima (tuševi, WC);
- dovoljan broj osoba za održavanje i osposobljavanje terena;
- dovoljan broj lopti u skladu sa odredbama ovog Pravilnika;
- liječničku službu;
- dovoljan broj sudija u skladu sa odredbama ovog Pravilnika;
- slobodan prostor uz obje strane igrališta za reklamni baner sponzora Saveza;
- baner na ulazu u klub sa oznakom Saveza;
- logo Saveza i sponzora Saveza na svim reklamnim materijalima;
- baner sa oznakom Saveza i sponzorima na pres konferencijama.

Dvorana ili pokriveni tereni u kojima se održavaju dvoranska prvenstva moraju imati propisanu veličinu, rasvjeta mora biti u skladu sa tehničkim uslovima, a minimalna temperatura ne smije biti niža od 13 stepeni Celzijusa.

Turnir može dobiti I kategoriju samo pod uslovom da je u protekloj godini na istom turniru nastupilo najmanje 10 igrača od 25 najbolje rangiranih u tom trenutku.

Za organizaciju gore navedenih turnira, organizatori moraju ispuniti sljedeće uslove:

- Pehari za obje konkurencije (8 komada)
- Sportske nagrade za I, II, III i IV mjesto u obje konkurencije (samo na prvenstvima BiH, entitetskim prvenstvima ukoliko iste obezbjede Savezi).
- Svaki učesnik turnira mora dobiti majicu.
- Za igranje dubla pobjednici moraju dobiti pehar, a finalisti medalje.
- U slučaju neispunjavanja uslova organizator će biti kažnjen nedodjeljivanjem organizacije turnira 1. kategorije u idućoj sezoni.

### **Član 17.**

Uslovi za organizaciju turnira **II kategorije**:

- minimalno 4 terena na otvorenom na jednoj lokaciji ili 4 terena na dvije lokacije udaljene maksimalno 10 km, sa jednakom podlogom;
- PC računar, printer i konekciju na internet;
- svlačionice, posebno muške posebno ženske, sa svim potrebnim sadržajima (tuševi, WC);
- dovoljan broj osoba za održavanje i osposobljavanje terena;
- dovoljan broj lopti u skladu sa odredbama ovog Pravilnika;
- liječničku službu;
- dovoljan broj sudija u skladu sa odredbama ovog Pravilnika;
- baner na ulazu u klub sa oznakom TS BiH;

Klubovi koji imaju 2. kategoriju turnira moraju ispuniti sljedeće uslove:

- Pehari za obje konkurencije: - 8 komada

- Svaki učesnik turnira mora dobiti majicu,
- za igranje dubla pobjednici moraju dobiti pehar
- finalisti turnira moraju dobiti sportske nagrade.

**Uslovi za organizaciju turnira III kategorije:**

- minimalno 3 terena na otvorenom na jednoj lokaciji
- odgovarajući broj sudija, lopti, lica za održavanje terena
- medalje za obje konkurencije: - 8 komada

**Uslovi za organizaciju turnira IV kategorije:**

- minimalno 2 terena na otvorenom na jednoj lokaciji
- odgovarajući broj sudija, lopti i lica za održavanje terena
- medalje za obje konkurencije: - 8 komada

**Član 18.**

Organizator osigurava nagrade takmičarima.

U juniorskim kategorijama nisu dozvoljene novčane nagrade.

**Član 19.**

Organizator u vezi sa informisanjem javnosti o održavanju turnira je u obavezi da:

- dva dana prije početka turnira organizuje press konferenciju ili izda saopštenje za javnost;
- medijima u toku turnira i odmah nakon završetka turnira dostavlja informaciju o rezultatima;
- službama informisanja dostavi fotografije pobjednika i svih polufinalista;

**Član 20.**

Vrhovni sudija odmah nakon završetka turnira u Savez dostavlja rezultate sa turnira na za to propisanim obrascima, i u elektronskom obliku.

Organizator je dužan da u roku od 2 dana od završetka turnira u TS BiH dostavi kompletan izvještaj o organizaciji turnira na za to propisanim obrascima.

**Član 21.**

Svi turniri iz kalendara Saveza se igraju sa zvaničnim lopticama nadležnih saveza koje osigurava organizator takmičenja.

U kategorijama iznad 14 godina organizator je dužan osigurati za svaki meč glavnog turnira po dvije (2) nove loptice. Eventualni treći set se igra sa novim lopticama.

Turniri do 10 godina se igraju lopticama iz programa Play&Stay za tu uzrasnu kategoriju.

**V INFORMACIJA O TAKMIČENJU (FACT SHEET)**

**Član 22.**

Organizator je dužan najkasnije 14 dana prije početka takmičenja u urede Saveza poslati informaciju o takmičenju sa propozicijama (Fact sheet).

Fact sheet se objavljuje na zvaničnim web portalima Saveza.

Klub koji otkazuje organizaciju turnira treba da obavjesti nadležni savez 10 dana ranije. Klub koji ne otkáže na vrijeme biće kažnjen sa 100 KM, ukoliko turnir nije otkazan zbog nedovoljnog broja prijavljenih igrača propisanog Pravilnikom,elementarne nepogode, vanrednog stanja I slično

### **Član 23.**

Informacija o takmičenju mora sadržavati sve bitne podatke za učesnike turnira:

- ime, broj telefona i telefaksa, e-mail adresu organizatora turnira;
- mjesto i vrijeme održavanja turnira;
- vrijeme upisivanja;
- podloga;
- službena lopta;
- zvanični hotel sa cijenama;
- nagradni fond;
- Ime vrhovnog sudije
- Ime direktora turnira.

### **Član 24.**

Informacijom o takmičenju moraju se obavijestiti učesnici turnira o TV prenosu, obavezama u pogledu konferencija za štampu i drugim obavezama kao što su: svečano otvaranje, proglašenje pobjednika i dodjela nagrada, kokteli za igrače i slično.

### **Član 25.**

Organizator takmičenja je obavezan da u informaciji o takmičenju naglasi da se mečevi igraju i pod vještačkim osvjetljenjem (ako je tako). Prijavljeni igrači su dužni igrati pod vještačkim osvjetljenjem bez obzira na ljekarska uvjerenja.

## **VI PRIJAVA ZA POJEDINAČNA TAKMIČENJA**

### **Član 26.**

Prijave za učešće igrača na takmičenju obavljaju se putem on-line servisa. Posljednji rok za prijavu za sva takmičenja je dva dana prije početka turnira u tjednu u kojem se održava turnir, do 18 sati.

Posljednji rok za odjavu igrača je 1 dan prije početka glavnog turnira do 12 sati. Nakon tog roka, igrač može otkazati nastup samo uz liječničku potvrdu.

U slučaju neopravdanog nedolaska igrač će biti kažnjen oduzimanjem bodova u skladu sa Pravilnikom o rangiranju.

Pravo nastupa na turniru imaju samo igrači koji su uredno prijavljeni . Igrač ima koji se nisu prijavili za nastup na turniru, a žele nastupiti, nastup može biti omogućen nakon provjere

važnosti licence. Kod bodovanja tim igračima će se priznati samo 50% od osvojenih bodova na tom turniru.

Igrači koji nisu prijavljeni do predviđenog roka mogu biti samo rezerve i to po redosljedu prijavljivanja

#### **Član 27.**

Odmah nakon zaključivanja prijava za turnir, sačinjava se lista prijavljenih igrača i objavljuje se na web portalu Saveza.

#### **Član 28.**

Prijavu za nastup u igri parova igrači obavljaju upisom u listu igrača za parove kod vrhovnog suca prvog dana glavnog turnira do roka koji odredi organizator u dogovoru s vrhovnim sucem. Dovoljno je da jedan od igrača osobno upiše sebe i svog partnera.

Dublovi se igraju samo na ljetnim državnim prvenstvima, kao i turnirima I i II kategorije.

U slučaju nedolaska prijavljenog dubla na turnir, oba igrača će biti kažnjena u skladu sa Pravilnikom o rangiranju.

### **VII PRIJAVNINA**

#### **Član 29.**

Prijavnina za učešće na turniru se uplaćuje organizatoru prije žrijebanja u gotovom ili uz potvrdu o izvršenoj uplati na žiro račun organizatora.

#### **Član 30.**

Organizator nije obavezan vratiti iznos izvršenih uplata za igrače koji su se prijavili, a ne učestvuju na turniru, osim ako su se na vrijeme odjavili.

#### **Član 31.**

Za igru parova prijavnina se ne naplaćuje.

### **VIII BROJ UČESNIKA TURNIRA**

#### **Član 32.**

**U nultu kategoriju turnira spadaju turniri iz kalendara ATP,WTA,ITF,TE koje organiziraju klubovi registrovani u TS BiH.**

**Državna prvenstva i turniri I kategorije se igraju na kostur od 16 i više igrača o čemu odluku donosi organizator turnira.**

Turniri II kategorije se igraju na kostur od 16, 24, 32, 48 igrača o čemu odluku donosi organizator turnira.

Turniri III kategorije se igraju na kostur od 16, 24, 32,

Turniri IV kategorije se igraju na kostur od 16,24,32.

Ukoliko procijeni da je interes za turnir veliki, organizator turnira može predvidjeti da se igraju kvalifikacije.

**Organizator je dužan za donošenje odluka iz alineja 2. i 6. pribaviti saglasnost**

### **direktora TSBIH.**

Kvalifikacije počinju jedan dan prije početka glavnog turnira.

Upraznjena mjesta u glavnom turniru zbog nedolaska se popunjavaju od gubitnika u posljednjem kolu kvalifikacija (LL). Ukoliko se na turniru igraju kvalifikacije, kostur će biti kreiran prema sljedećoj tabeli:

Veličina kostura	<b>16</b>	<b>24</b>	<b>32</b>	<b>48</b>	<b>64</b>
Direktno ulazi u GT prema Rang listi TS BiH	11	16	22	32	44
Wild cards – organizator	1	2	2	4	4
Kvalifikacije	4	6	8	12	16
<b>Potreban broj terena</b>	<b>2</b>	<b>3</b>	<b>4</b>	<b>6</b>	<b>8</b>

### **Član 33.**

U kategoriji do 12 godina gubitnici iz prvog kola igraju utješni turnir po kup sistemu, osim na Državnom i Entitetskim dvoranskim prvenstvima.

### **Član 34.**

Minimalan broj učesnika za održavanje turnira je 8 igrača, a u konkurenciji parova 6 parova. Ako nema 8 prijavljenih igrača u konkurenciji 16 i 18 godina, igra se raund robin.

Minimalan broj igrača je 4, a maksimalan je 7.

Četiri igrača-jedna grupa.

Pet igrača-jedna grupa.

Šest igrača-dvije grupe po tri.

Sedam igrača-jedna grupa četiri, a druga tri igrača

Nosioci grupa se postavljaju po rang listi TS BiH ili entitetskih saveza.

Drugi nosioc u grupi postavlja se po rang listi TS BiH ili entitetskih saveza – žrijebom u koju će grupu ići.

Ostali igrači žrijebom se raspoređuju po grupama

Ako su dvije grupe prvaci grupa igraju finale.

Raspored igranja po grupama je slijedeći:

Kad je u grupi tri igrača

1 kolo 1-3

2 kolo 2-3

3 kolo 1-2

Kad je u grupi četiri igrača

1 kolo 1-4 2-3

2 kolo 1-2 3-4

3 kolo 1-3 2-4

Kad je u grupi 5 igrača

1 kolo 1-2 3-4 5 slobodan

2 kolo 5-1 2-3 4 slobodan

3 kolo 4-1 5-2 3 slobodan

4 kolo 1-3 4-5 2 slobodan

5 kolo 2-4 3-5 1 slobodan

Pobjednik grupe je onaj igrač koji ima najviše pobjeda. U slučaju istog broja pobjeda gleda se međusobni susret. U slučaju da dva ili tri igrača imaju isti broj pobjeda gleda se koji igrač je osvojio više setova, a ako je i to isto gleda se koji je igrač osvojio više gemova. Svaki igrač za pobjedu dobiva 25, a poraženi 10 bodova.

Kad se igra raund robin klub je dužan da obezbijedi medalje za prvaka grupe.

Ako su dvije grupe, pobjednici grupa igraju finale, a klub je dužan da obezbijedi finalistima medalje.

### **Član 35.**

Na kraju takmičarske sezone se igraju Masters turniri na kojima učestvuje 8 najbolje rangiranih igrača u svakoj kategoriji. Način igranja i postavljanja nosilaca je slijedeći:

- Prvi i drugi na rang listi idu na broj 1 i 8
- Treći i četvrti na rang listi se žrebaju i idu na broj 4 i 5
- Ostali igrači popunjavaju kostur odozgo prema dole
- Igra se kontra kostur
- Za biranje nosilaca u slučaju istog broja bodova, prednost ima igrač koji je odigrao manje turnira
- Bodovi osvojeni na Masters turnirima ulaze na rang liste kao bonus bodovi
- Ukoliko igrač napusti masters ne upisuju mu se nikakvi bodovi
- Za nedolazak na masters igrač će biti kažnjen oduzimanjem bodova.

## **IX UPISIVANJE (SIGN-IN)**

### **Član 36.**

Na svim turnirima vrši se upisivanje igrača. Igrači se upisuju u prisustvu Vrhovnog sudije. Samo igrač koji se lično upiše biće žrijeban. Dozvoljava se Vrhovnom sudiji da, u izuzetnim slučajevima, po vlastitoj procjeni, može upisati igrača trenutno spriječenog da izvrši upis.

Upisivanje igrača se obavlja prvi dan turnira i to u muškoj konkurenciji od 9 do 9,30 sati, a u ženskoj konkurenciji od 10 i 30 do 11,00 sati.

Žrijeb se, gdje je to moguće izvodi elektronski pomoću programa i onlajn baze podataka. Rukovodilac takmičenja iz kalendara nadležnog saveza može dati mogućnost vrhovnom sudiji turnira da obavi žrijeb dan prije početka turnira, kao i da dan ranije objavi raspored igranja sa satnicom da bi se olakšao dolazak na turnir takmičarima koji stanuju van mjesta igranja turnira. U tom slučaju, igrači su dužni prijaviti se i uplatiti kotizaciju za turnir najmanje pola sata prije termina koji je zakazan za početak njihovog meča.

## **X ODIGRAVANJE MEČEVA**

### **Član 37.**

Svi singl mečevi glavnih turnira i kvalifikacija se igraju u 2 dobijena seta, uz primjenu pravila TIE-BREAK.

Mečevi kod veterana +35 se igraju na dva dobijena seta, s tim da se umjesto trećeg seta igra

produženi tie-break do 10 osvojenih poena. Kod veterana +45 i +55 mečevi se igraju na 9 dobijenih gemova. Kod rezultata 8:8 primjenjuje se pravilo TIE-BREAK. Finalni meč 45+ i 55+ igra se do devet dobijenih gemova.

Svi dubl mečevi se igraju na dva dobijena seta uz korištenje pravila no-add (bez prednosti). Treći odlučujući set se igra super tie-break do 10 dobijenih poena.

### **Član 38.**

Kvalifikacije i 1. kolo turnira do 12 godina igra se do 9 osvojenih gemova. Od 2. kola mečevi se igraju na dva dobijena seta. Treći set u kategoriji 12 godina se igra super tie-break do 10 dobijenih poena.

Utješni turnir do 12 godina igraju gubitnici u 1. kolu glavnog turnira. Mečevi utješnog turnira se igraju do 9 osvojenih gemova. Kod rezultata 8:8 primjenjuje se pravilo TIE-BREAK.

Svi mečevi u kategorijama do 10 i 12 godina igraju se uz korištenje pravilna no-add (bez prednosti).

### **Član 39.**

U toku jednog dana igrač može igrati najviše 3 meča i to 2 singla i jedan dubl. Ako se mečevi igraju do 7 ili 9 dobijenih gemova igrač može igrati 3 singl meča.

Meč započet prethodnog dana ne ulazi u zbir odigranih mečeva narednog dana.

U izuzetnim okolnostima vrhovni sudac, uzimajući u obzir sve relevantne činjenice, može odlučiti i da se igra treći singl meč ako igrač nije igrao dubl meč.

### **Član 40.**

Dječaci i djevojčice do 10 i 12 godina na takmičenjima ne mogu započinjati mečeve poslije 21 sat, osim u izuzetnim situacijama kada Vrhovni sudija procijeni i donese odluku da je to neophodno, o čemu blagovremeno informiše takmičare pismenim putem na oglasnoj tabli, najkasnije do 18 sati tekućeg dana.

### **Član 41.**

U toku ljetnjeg perioda, a zbog velike vrućine, Vrhovni sudija može donijeti odluku o pauzi na turnirima u kategorijama do 10 i 12 godina.

### **Član 42.**

Igrači imaju pravo na odmor između dva singl meča, u zavisnosti od trajanja prethodnog meča, i to ako je meč trajao:

- do 60 minuta - odmor 30 minuta;
- 60 do 90 minuta - odmor 60 minuta;
- preko 90 minuta - odmor 90 minuta.

Odmor prije nastupa u igri parova može trajati 30 minuta.

Ukoliko se istog dana igraju polufinale i finale, odmor prije finala mora trajati najmanje 120 minuta.

#### Član 43.

Žrijeb se obavlja javno na dan početka takmičenja, nakon upisivanja igrača. Ako se žrijeb obavlja elektronski dan ranije, vrijede pravila iz člana 36.

#### Član 44.

Žrijeb obavlja javno Vrhovni sudija uz prisustvo predstavnika igrača (predstavnicu igrača izvlače brojeve), osim u slučaju elektronskog žrijeba.

#### Član 45.

Nosioci na turniru se određuju prema aktualnoj rang listi za određenu kategoriju, istim redoslijedom. Broj nosioca određuje se u zavisnosti od broja učesnika i to:

- do 8 učesnika 2 nosioca;
- do 16 učesnika 4 nosioca;
- do 24 učesnika 8 nosioca;
- do 32 učesnika 8 nosioca;
- do 48 učesnika 16 nosioca;
- do 64 učesnika 16 nosioca;

#### Član 46.

Žrijebanje nosioca vrši se na sljedeći način: prvi nosioc upisuje se na broj 1, a drugi nosioc na broj 8, 16, 32, 64 ili 128. Treći i četvrti nosioc izvlače se u parovima, tako što se prvoizvučeni nosioc upisuje u gornju polovinu a drugoizvučeni nosioc u donju polovinu kostura. Nosioci od petog do osmog i devetog do šesnaestog mjesta, odnosno od šesnaestog do tridesetdrugog mjesta žrijebaju se zajedno i upisuju po redoslijedu izvlačenja od prvog slobodnog mjesta (za nosioce) na gornjoj polovini kostura prema donjoj polovini kostura. Kada se igra na kostur od 24 ili 48 igrača, koristi se kostur od 32 odnosno 64, s tim da su nosioci slobodni u 1.kolu.

#### Član 47.

Postavljanje nosioca u žrijebu vrši se na sljedeća mjesta u kosturu:

	<b>8</b>	<b>16</b>	<b>24</b>	<b>32</b>	<b>48</b>	<b>64</b>	<b>128</b>
I – II	1-8	1-16	1-32	1-32	1-64	1-64	1-128
III – IV	-	5, 12	9, 24	9, 24	17, 48	17, 48	33, 96
V - VIII	-	-	8, 16, 17, 25	8, 16, 17, 25	16, 32, 33, 49	16, 32, 33, 49	32, 64, 65, 97
IX - XVI	-	-		-	8, 9, 24, 25, 40, 41, 56, 57	8, 9, 24, 25, 40, 41, 56, 57	16, 17, 48, 49, 80, 81, 112, 113

#### Član 48.

Nakon postavljanja nosioca vrši se žrijebanje ostalih igrača tako što se izvučeni igrač upisuje na prvo slobodno mjesto od vrha kostura prema dnu.

#### Član 49.

Redosljed nosioca u konkurenciji parova određuje se na osnovu zbira plasmana igrača na rang listi

#### Član 50.

Raspored igranja po grupama vrši se primjenom Bergerovih tablica:

I kolo 1-4 ; 2-3;

II kolo 1-2 ; 3-4;

III kolo 1-3 ; 2-4;

Raspored igranja kad je u grupi tri igrača je sljedeći:

I kolo 1-3

II kolo 2-3

III kolo 1-2

#### Član 51.

### TURNIRI DO 10 GODINA

„DVOFAZNI ROUND ROBIN SISTEM“

#### Prva faza takmičenja

- Igra se Round Robin sistem sa tri i četiri takmičara po grupi (**bazični Round Robin**);
- Nosioci grupa postavljaju se po rang listi TSBIH;
- Za drugog nosioca u grupi žrijebanje se vrši grupno, tako što se sljedeći broj nosioca upisuje po redosljedu izvlačenja od prve do posljedne grupe;
- Ostali igrači raspoređuju se po redosljedu izvlačenja od prve do posljedne grupe;
- Raspored igranja po grupama je sledeći: I kolo: 1-4, 2-3; II kolo: 1-2, 3-4; III kolo: 1-3, 2-4. Raspored igranja kad je u grupi tri igrača: I kolo:1-3; II kolo: 2-3; III kolo: 1-2;
- prva dva takmičara iz grupe idu u glavni Round Robin (druge faze takmičenja);
- zadnja dva takmičara iz grupe idu u utješni Round Robin (druge faze takmičenja);
- Procenat.
- ukoliko se žrijeb izvodi elektronski sudija je dužan, zbog zahtjeva računarskog programa, da prvo napravi sve grupe sa po 4, a tek onda radi grupe sa po 3 igrača. Mora biti najmanje jedna grupa od 4 igrača.
- ukoliko nedostaje nosioc/a grupa onda se ručno žrijeba nosioc/i od igrača bez ranga, a tek onda se radi elektronski žrijeb.

#### Druga faza takmičenja

- sastoji se od dva nova Round Robin modela i to:
  - a) **glavni Round Robin:** u ovaj dio žrijeba ulaze prva dvojica iz svih grupa bazičnog Round Robin modela. Nove grupe se sastoje takođe od 3 i 4 takmičara. Kada odigra svako sa svakim proglašavaju se pobjednici svake grupe i time se

završava takmičenje. Igrač sa najvećim procentom je pobijednik grupe. U ovoj fazi takmičenja nema nosioca grupa. Žrebom se prave nove grupe po 3 ili 4 igrača.

- b) **utješni Round Robin:** u ovaj dio žrijeba ulaze posljednja dvojica iz svih grupa bazičnog Round Robin modela. Kada odigra svako sa svakim proglašavaju se pobjednici svake grupe i time se završava takmičenje. Igrač sa najvećim procentom je pobijednik grupe. U ovoj fazi takmičenja nema nosioca grupa. Žrebom se prave nove grupe po 3 ili 4 igrača. U slučaju da se ne može napraviti grupe od 3 ili 4 igrača pravi se grupa od pet igrača. **Ovo pravilo važi samo za utješni turnir Round Robin.**

**Svi mečevi glavnog Round Robina igraju se do 7 osvojenih gemova. Kod rezultata 6:6 primjenjuje se pravilo taj-brek. Svi mečevi se igraju bez prednosti.**

**Svi mečevi bazičnog i utješnog Round Robina igraju se do 5 osvojenih gemova. Kod rezultata 4:4 primjenjuje se pravilo taj-brek. Svi mečevi se igraju bez prednosti.**

U toku jednog dana igrač može odigrati najviše četiri meča. Turniri do deset godina se igraju lopticama iz Plej i Stej, odnosno Mini tenis programa.

## **Bodovanje**

Postoje dva sistem bodovanja u ovome formatu i to:

1. bodovanje za mjesto u grupi – Round Robin sistema,
2. bodovanje za rang listu nadležnog saveza.

### **1. Bodovanje u grupi**

Rangiranje u grupi se vrši po procentu. Igrač sa najvećim procentom dobija najviše bodova.

Procent dobijamo tako što dijelimo broj dobijenih gemova sa ukupnim brojem odigranih gemova i to pomnožimo sa 100.

Ako je i dalje izjednačeno onda se gleda se međusobni susret.

NA PRIMJER:

1. 7/2 7/5 7/1	21/29 72%
2. 2/7 7/2 7/3	16/28 57%
3. 5/7 2/7 3/7	10/28 35%
4. 1/7 3/7 7/3	11/28 39%

Prva dva igrača sa najvećim procentom idu u drugu fazu Round Robin.

Druga dva igrača idu u utješni turnir Round Robin.

### **2. Bodovanje za rang listu TSBIH**

Igračima iz prve faze i druge faze turnira se sabira procenat i djeli sa dva.

Koliko je procenata osvojio toliko dobija bodova za rang listu TSBIH.

Igrači koji igraju prvu fazu turnira i drugu fazu-utješni ROUND ROBIN isto se boduje.

Igrači koji napuste utješni Round Robin ostaju bez procenata. Boduje se samo prva faza osvojenih procenata podjeljena sa dva.

Sudije u izvještaju moraju napisati koji su igrači napustili turnir.

### **KATEGORIJE TURNIRA ZA 10 GODINA – PROCENAT**

#### **UTJEŠNI RR**

0-ta KAT. - broj bodova puta 1,2	0,9
2. KAT. - broj bodova puta 1	0,5
3. KAT. - broj bodova puta 0,8	0,3
4. KAT. - broj bodova puta 0,7	0,3

Minimalni broj igrača je 8.

2 grupe po 4 igrača

4 igrača idu u glavni turnir, a 4 igrača igraju utješni.

Na turnirima 10 godina nema kvalifikacija.

**Na turnirima 4 kategorije učestovaće 16 najbolje rangiranih igrača-rang liste TSBIH**

### **PRVENSTVA DO 10 GODINA**

Pravilo za prvenstva TSBIH, TSFBiH, TSRS i **Kantona** je da se igra Raund Robin, nakon čega se žrijebom formira kostur da bi se na kraju dobio šampion. Raund robin igra se na 5, a glavni kostur na 7 dobijenih gemova. Na prvenstvima TSBIH, TSFBiH, TSRS i **Kantonalnim** prvenstvima treba da se proglase prvo, drugo i dva treća mjesta.

Konačan redosljed igrača po grupama se određuje na osnovu sljedećih metoda:

1. Ukupan broj pobjeda;
2. Ako su dva igrača sa istim brojem pobjeda tada se gleda međusobni rezultat;
3. Igrač koji osvoji više gemova ide dalje.

Prva dva igrača u grupi igraju glavni, a druga dva igraju utješni turnir.

### **BODOVANJE ZA PRVENSTVO BiH, ENTITETSKA i KANTONALNA PRVENSTVA**

Svaka pobjeda u grupi nosi 2 boda

UTJEŠNI TURNIR	
1 mjesto	15
2 mjesto	10
POLUFINALISTI	5
ČETVRTFINALISTI	1
Utješni turnir igra se do 5 gemova	

GLAVNI TURNIR	
1 mjesto	120
2 mjesto	100
POLUFINALISTI	80
ČETVRTFINALISTI	60
9-16	30
17-32	20

## **ZA MASTERS BiH I ENTITESKIH SAVEZA DO 10 GODINA**

Pravilo za Masters TSBiH I ENTITESKIH SAVEZA je da žrijebom formira kostur da bi se na kraju dobio pobjednik Mastersa TSBiH I ENTITESKIH SAVEZA. Masters TSBiH I ENTITESKIH SAVEZA igra se na 9 dobijenih gemova. Prvih 8 igrača igra masters turinir.

## **NAGRADE NA TURNIRIMA DO 10 GODINA**

1. KAT. 8 pehara, sportske nagrade, majice za sve učesnike
2. KAT. medalje za prvake grupa i za drugoplasirane u grupama glavnog Round robina, majice za sve učesnike;
3. KAT. medalje za prvake grupa glavnog Round robina, majice za sve učesnike;
4. KAT. diplome za pobjednike grupa glavnog Round robina.

## **XII SUĐENJE**

### **Član 52.**

Na otvorenim prvenstvima mečeve sude sami igrači, a u slučaju spora odlučuje Vrhovni sudija. Vrhovni sudija, izuzetno može donijeti odluku da se neki meč sudi iz stolice.

Na državnim prvenstvima saveza, Mastersima i turnirima I kategorije mečeve od polufinala na stolici sude glavne sudije licencirane u savezima.

Na ostalim turnirima glavne sudije sude finalne mečeve.

## **XIII TEHNIČKA ORGANIZACIJA TAKMIČENJA**

### **Član 53.**

Takmičenjem rukovodi Vrhovni sudija. Vrhovni sudija pravi žrijeb za turnir (kvalifikacije i glavni turnir), pravi satnicu igranja i donosi konačnu odluku po svim pitanjima vezanim za tumačenje pravila teniske igre.

### **Član 54.**

Organizator je dužan obezbijediti uslove za rad Vrhovnog sudije i to: kancelariju sa telefonom, fax-om, konekcijom na internet i uređajem za umnožavanje potrebnih materijala.

### **Član 55.**

Organizator može formirati Vodstvo turnira.

### **Član 56.**

Taksa za vrhovnog sudiju isplaćuje se dan uoči takmičenja, kao i za sve ostale dane trajanja turnira. Vrhovni sudija ima pravo i na pun pansion u hotelu dan prije početka turnira, kao i za svo vrijeme trajanja turnira (ako nije iz mjesta gdje se održava turnir), kao i naknadu za prevoz u visini cijene koštanja autobuske karte, uvećane za 50%. Ako je sudija iz mjesta gdje se održava turnir organizator mu obezbjeđuje ishranu.

Visinu takse za vrhovnog sudiju za svaku takmičarsku godinu određuju Stručni odbori Saveza.

#### **XIV DNEVNI RASPORED TAKMIČENJA**

##### **Član 57.**

Dnevni raspored igranja treba biti za sve vrijeme takmičenja vidljivo izložen na oglasnoj ploči i ne može biti mijenjan bez odobrenja vrhovnog sudije.

##### **Član 58.**

Raspored za sljedeći dan treba biti objavljen čim ranije, a svakako odmah po završetku igranja na kraju dana.

##### **Član 59.**

Susreti se prozivaju pridržavajući se rasporeda igranja i igrač koji u roku od petnaest minuta od trenutka kada je susret prozvan nije spreman nastupiti bit će diskvalificiran, osim ako vrhovni sudija, uzevši u obzir sve relevantne činjenice, ne odluči drugačije.

##### **Član 60.**

Pri ekstremnim vremenskim uslovima (temperatura iznad 32°C i velika vlaga) vrhovni sudija ima pravo prekinuti susrete sve dok prema njegovoj procjeni, ne nastupe regularni uslovi.

##### **Član 61.**

Vrhovni sudija prekida susrete zbog mraka ili vremenskih uslova. U slučaju mraka do prekida dolazi nakon parnog broja odigranih gemova u setu ili nakon odigranog seta.

##### **Član 62.**

Igrači imaju pravo na 5 minuta zagrijavanja prije susreta. U slučaju da nastavljaju prekinuti susret, imaju pravo na:

- kod prekida manje od 15 minuta - bez zagrijavanja
- kod prekida od 15 do 30 minuta - 3 minute zagrijavanja
- kod prekida više od 30 minuta - 5 minuta zagrijavanja

#### **XV PRAVILA PONAŠANJA**

##### **Član 63.**

Svrha ovih pravila održavanje je razine prihvatljivog i fer ponašanja igrača, trenera i roditelja na pojedinačnim takmičenjima iz Kalendara takmičenja TSBiH, Entitetskih i **Kantonalih turnira**.

##### **Član 64.**

Igrač, trener, roditelj ili predstavnik igrača ne smije se ni u koje vrijeme, a posebno za vrijeme takmičenja, ponašati na način koji se može negativno odražavati na Savez, organizatore takmičenja, vodstvo takmičenja, ostale igrače, sudije ili tenis u cjelini.

#### **Član 65.**

Igrač se treba sportski ponašati za vrijeme igranja susreta i za sve vrijeme boravka na prostoru gdje je organizovano takmičenje.

#### **Član 66.**

U slučaju da ustanovi da je došlo do prekršaja pravila ponašanja, dužnost vrhovnog sudije je ispitati, koliko je to u njegovoj mogućnosti, sve činjenice u vezi prekršaja i obavijestiti igrača o prijavi u izvještaju.

#### **Član 67.**

Vrhovni sudija susreta kažnjava igrača koji se ponaša suprotno pravilima tokom susreta.

#### **Član 68.**

Sistem stepenskog kažnjavanja za vrijeme susreta za prekršaje je sljedeći:

- Prvi prekršaj – opomena
- Drugi prekršaj - kazneni poen
- Treći prekršaj - kazneni gem
- Svaki sljedeći prekršaj - kazneni gem ili diskvalifikacija

#### **Član 69.**

Za svaki prekršaj kazna može biti i diskvalifikacija, o čemu odlučuje vrhovni sudija uzimajući u obzir težinu učinjenog prekršaja.

Igrač mora biti jasno upoznat s izrečenom kaznom.

Nakon trećeg prekršaja vrhovi sudija odlučuje o tome je li kazna za sljedeći prekršaj ponovno kazneni gem ili diskvalifikacija. Glavni sudija dužan je pozvati vrhovnog sudiju nakon trećeg prekršaja i izvijestiti ga o izrečenoj kazni, kako bi vrhovni sudija mogao pravovremeno reagirati u slučaju ponovljenog prekršaja.

#### **Član 70.**

Prekršaji pravila ponašanja su:

a) Neprikladna odjeća i oprema.

Igrači su dužni nastupiti u čistoj i uobičajenoj odjeći.

Za nastup u trenirci potrebno je dopuštenje vrhovnog sudije.

Reklamni natpisi sponzora na odjeći ili opremi su dozvoljeni. Maksimalni broj natpisa je 3, najveća dozvoljena veličina je 20 cm<sup>2</sup>. Zabranjeno je lijepiti trake preko znakova ili natpisa.

Partneri u igri parova trebaju biti odjeveni u jednaku ili sličnu odjeću.

b) Napuštanje igrališta bez dopuštenja

Igrač ne smije napustiti igralište za vrijeme susreta (uključujući i zagrijavanje) bez dozvole glavnog sudije ili vrhovnog sudije. Igrač koji krši ovo pravilo može biti diskvalificiran od vrhovnog sudije.

c) Najveći trud

Igrač treba uložiti najveći napor da pobijedi u susretu. Ukoliko to, po ocjeni glavnog i vrhovnog sudije ne čini, vrhovni sudija može diskvalificirati igrača.

d) Napuštanje susreta

Igrač mora završiti započeti susret ukoliko nije spriječen ozljedom. U slučaju ozljede mora obavijestiti vrhovnog sudiju, koji može zatražiti mišljenje službenog ljekara.

e) Neopravdano odugovlačenje igre

Igrači su dužni započeti susret na nalog glavnog sudije nakon zagrijavanja, i bez neopravdanog odugovlačenja dovesti ga do završetka.

Između poena može proći najviše 20 sekundi, osim kod promjene strana.

Kod izmjene strana, od trenutka izlaska lopte iz igre na kraju gema do trenutka izvođenja prvog servisa u sljedećem gemu, može proći najviše 90 sekundi. Nakon prvog gema u setu i u tie-breaku igrači mijenjaju strane bez odmora. Nakon završetka seta, bez obzira na rezultat, nastupa odmor koji traje 120 sekundi od trenutka izlaska lopte iz igre na kraju seta do trenutka izvođenja prvog servisa u sljedećem gemu. Ako set završi nakon parnog broja odigranih gemova, igrači ne mijenjaju strane nakon odmora.

Primalac servisa mora pratiti tempo igre servera i mora biti spreman za igru u trenutku kad je server spreman odservirati.

Otezanje igre izazvano prirodnim gubitkom tjelesne kondicije, ozljedom ili odbijanjem nastavljanja igre smatra se prekršajem ovog pravila. Prvi prekršaj ovog pravila bit će kažnjen opomenom, a svaki daljnji jednim kaznenim poenom. Međutim, kada igrač ne nastavi susret i nakon poziva glavnog sudije da to učini, prekršaj se kažnjava po sistemu stepenskog kažnjavanja.

f) Prostački izrazi

Igrač ne smije koristiti prostačke izraze u prostoru takmičenja. Ako se prekršaj dogodi za vrijeme susreta, kažnjava se po Sistemu stepenskog kažnjavanja. Kao prostački izraz smatra se svako korištenje riječi općenito poznatih kao prostačkih, dovoljno glasnih da ih čuju glavnosudija, linijskesudije, gledatelji ili sakupljači lopti.

g) Nepriстойne geste

Igrač ne smije činiti nepriстойne geste u prostoru takmičenja. Ako se prekršaj dogodi za vrijeme susreta, kažnjava se Sistemom stepenskog kažnjavanja. Kao nepriстойna gesta smatra se svako pravljenje znakova rukama, reketom ili loptama koje se smatraju opscenim.

h) Zloupotreba lopte

Igrač ne smije silovito ili ljutito baciti, udariti reketom ili nogom tenisku loptu u prostoru takmičenja, osim u opravdanoj namjeri osvajanja poena u igri. Ako se prekršaj dogodi za vrijeme trajanja susreta, kažnjava se po Sistemu stepenskog kažnjavanja. Kao zloupotreba lopte smatra se svako namjerno udaranje lopte preko ograde igrališta, opasno ili bezobzirno udaranje lopte unutar igrališta i udaranje lopte, ne mareći pritom za posljedice.

i) Zloupotreba reketa ili opreme

Igrač ne smije silovito ili ljutito baciti reket ili drugi dio opreme ili njime silovito lupiti po bilo kojem objektu u prostoru takmičenja. Ako se prekršaj dogodi za vrijeme susreta, kažnjava se po Sistemu stepenskog kažnjavanja. Kao zloupotreba reketa ili opreme smatra se svako namjerno, silovito i ljutito udaranje reketom ili opremom po mreži, igralištu, sudijskoj stolici ili drugom stalnom dijelu igrališta.

j) Usmena prijetnja

Igrač ne smije usmeno napadati ni psovati protivnika, gledatelja ili bilo koju drugu osobu u prostoru natjecanja.

Ako se prekršaj dogodi za vrijeme susreta, kažnjava se po Sistemu stepenskog kažnjavanja. Kao usmeni napad smatra se svaka izjava upućena sudiji, protivniku, gledatelju ili bilo kojoj drugoj osobi koja podrazumijeva nepoštenje, ili je ponižavajuća, uvredljiva ili na drugi način pogrдна.

k) Fizička prijetnja

Igrač ne smije fizički prijetiti sudiji, protivniku, gledatelju ili bilo kojoj drugoj osobi u prostoru takmičenja. Ako se prekršaj dogodi za vrijeme susreta, kažnjava se Sistemom stepenskog kažnjavanja.

Kao fizička prijetnja smatra se svako neovlašteno diranje sudije, protivnika, gledatelja ili bilo koje druge osobe.

l) Primanje savjeta

Igrač ne smije primati savjete za vrijeme susreta. Prekršaj se kažnjava po Sistemu stepenskog kažnjavanja.

Vrhovni sudija može diskvalificirati igrača za svaki pojedini učinjeni prekršaj ili slijedom kazni po sistemu stepenskog kažnjavanja. Njegova je odluka konačna.

Igrač koji je diskvalificiran tokom susreta ili zbog prekršaja učinjenog u prostoru takmičenja diskvalificiran je u svim konkurencijama na takmičenju u kojima još sudjeluje, osim ako je diskvalifikacija uslijedila zbog:

- kašnjenja na susret;
- nepropisne odjeće i opreme;
- odugovlačenja igre izazvanog prirodnim gubitkom tjelesne kondicije.

Za kazne izrečene zbog prekršaja pravila ponašanja tijekom svih takmičenja iz Kalendara takmičenja saveza, dodjeljuju se kazneni bodovi. Izrečene kazne na osnovu izvještaja vrhovnih sudija se evidentiraju u savezu.

Zbog nedoličnog ponašanja vrhovni sudija može udaljiti na udaljenost od 100 metara od terena trenera ili roditelja. U slučaju da se trener ili roditelj ne udalje sa terena, vrhovni sudija diskvalificira njihovog igrača.

### **Član 71.**

Kazneni bodovi koji se dodjeljuju zbog učinjenih prekršaja:

a)	DISKVALIFIKACIJA ZBOG JEDNOG UČINJENOG PREKRŠAJA	10
b)	Diskvalifikacija slijedom kazni po Sistemu stepenog kažnjavanja osim zbog prirodnog gubitka tjelesne kondicije	10
c)	Diskvalifikacija zbog nepropisne odjeće i opreme	3
d)	Diskvalifikacija zbog kašnjenja na susret	3
e)	Diskvalifikacija zbog napuštanja igrališta bez dozvole	3
f)	Diskvalifikacija zbog nepružanja najvećeg truda za pobjedu	5
g)	Diskvalifikacija zbog napuštanja pojedinačnog susreta bez opravdanog razloga	5
h)	Prekršaj pravila ponašanja u prostoru takmičenja osim za vrijeme susreta	3

j)	Za svake 2 opomene na istom takmičenju	3
k)	Za svaki kazneni poen na takmičenju	3
l)	Za svaki kazneni gem na takmičenju	3

#### **Član 72.**

Svaki igrač koji sakupi 20 kaznenih poena bit će suspendovan s takmičenja iz Kalendara TSBiH u periodu od 90 dana. Suspendacija vrijedi i za takmičenja iz međunarodnih kalendara.

#### **Član 73.**

Kazneni bodovi brišu se nakon godine dana od dana završetka takmičenja na kojem su prekršaji učinjeni.

#### **Član 74.**

Osoba zadužena za evidenciju kaznenih poena obavještava igrača i njegov matični klub o suspendaciji.

#### **Član 75.**

Suspendacija počinje teći sljedećeg dana od završetka takmičenja na kojem je dodijeljen dvadeseti kazneni poen ili u slučaju da igrač nastupi na sljedećem takmičenju prije nego bude obaviješten o suspendaciji, od sedmog dana nakon završetka natjecanja na kojem mu je dodijeljen dvadeseti kazneni bod.

#### **Član 76.**

U periodu kada mu teče suspendacija, igrač može nastupiti na kvalifikacijama takmičenja ako glavni turnir počinje nakon isteka suspendacije.

#### **Član 77.**

Odluka o suspendaciji slijedi automatizmom nakon prispjeća izvještaja vrhovnih sudija, te je konačna i na nju igrač nema pravo žalbe.

#### **Član 78.**

U slučaju da igrač nastupi na takmičenju u periodu kada je suspendiran, neće mu se računati bodovi za rang-listu nadležnog saveza.

#### **Član 78a**

Pauza za toalet

Igrači imaju pravo na jedan odlazak u toalet a igračice na dva odlaska u toalet za vrijeme meča. Vrijeme dozvoljeno za pauzu za toalet je razumno vrijeme. Igrači koji igraju dubl imaju pravo na odlazak u toalet dva puta.

## **VRHOVNI SUDAC**

### **Član 79.**

Vrhovnog suca za sve turnire određuje Takmičarska komisija Saveza u dogovoru sa Sekcijom sudaca Saveza.

### **Član 80.**

Vrhovni sudac provjerava spisak prijavljenih igrača, utvrđuje nosioce, obavlja prijavu igrača i provjerava pravo učestvovanja igrača (licence, ljekarski, kazne, suspenzije), obavlja žrijeb, pravi satnicu.

### **Član 81.**

Donosi odluke o spornim slučajevima po pitanju tumačenja pravila teniske igre (Question of law) i prekršajima pravila ponašanja (Code of conduct).

### **Član 82.**

Prekida susret zbog loših vremenskih prilika, mraka i sl. i odlučuje o eventualnim promjenama igrališta.

### **Član 83.**

Vrhovni sudija može biti i glavni sudac ili napustiti prostor odigravanja, ali za to vrijeme imenuje svog zamjenika. Mijenja glavne suce u slučaju potrebe.

### **Član 84.**

Svojim potpisom ovjerava liste takmičenja sa tehničkim rezultatima.

### **Član 85.**

Proglašava rezultate i prisustvuje dodjeli nagrada.

### **Član 86.**

U roku od 7 dana po završetku turnira šalje pismeni izvještaj Takmičarskoj komisiji Saveza sa ocjenom takmičenja, prijavnim i odjavnim listama, kosturima kvalifikacija i glavnog turnira, kaznama, score card itd.

### **Član 87.**

Odlukom, Takmičarska komisija Saveza može za pojedine turnire odrediti kontrolora. Troškove kontrolora snosi Savez.

## **GLAVNI SUDAC**

### **Član 88.**

Vodi teniski meč u duhu važećih pravila teniske igre, uključujući izricanje kaznenih odredbi za koje je ovlašten.

Prije susreta sudac treba da:

- pripremi i ispuni zaglavlje sudijskog bloka (score card), štopericu, loptice;
- provjeri ispravnost igrališta;
- predstavlja se igračima i upozna je ih sa svim meč informacijama;
- provjerava da li su igrači propisno obučeni.

#### **Član 89.**

U susretu sudac treba da:

- dozvoli 5-minutno zagrijavanje i u posljednjoj minuti predstavlja igrače publici;
- u slučaju prekida meča, objavljuje da je meč prekinut, a vrijeme za ponovno zagrijavanje će zavisiti od dužine trajanja prekida, kako slijedi:
  - 0 – 15 minuta prekida – nema zagrijavanja;
  - 15 – 30 minuta prekida – tri (3) minute zagrijavanja;
  - 30 i više minuta prekida – pet (5) minuta zagrijavanja;
- objavljuje rezultat nakon svakog poena i vodi sudijski blok sa upisanim svim poenima i eventualnim kaznama.

#### **Član 90.**

Nakon završenog meča ispunjene sudijske blokove predaje vrhovnom sudiji. Sudijska komisija nadležnog saveza može kazniti vrhovnog sudiju u slučaju da se ne pridržava pravilnika. Žalba se može podnijeti Stručnom odboru u roku od 15 dana od dana primitka odluke o kazni.

### **XVIII ANTIDOPING KONTROLA**

#### **Član 91.**

Na svim teniskim takmičenjima u Bosni i Hercegovini provodi se antidoping kontrola u skladu sa propisima Agencije za antidoping kontrolu Bosne i Hercegovine.

### **XIX KAZNENE ODREDBE**

#### **Član 92.**

Klub organizator turnira će se kazniti kaznom u iznosu od 100 KM ako:

- Sa zakašnjenjem u Savez dostavi obavijest o turniru (Fact sheet)
- Sa zakašnjenjem u Savez dostavi izvještaj sa turnira

Sa kaznom od 100-300 km ako:

-ne obezbijedi uslove za održavanje turnira, u skladu sa ovim pravilnikom

Odluku o izricanju kazne donosi Takmičarska komisija. Žalba na izrečenu kaznu se može uložiti Stručnom odboru u roku od 15 dana od primitka Odluke o kazni.

### **XX ZAVRŠNE ODREDBE**

### **Član 93.**

Takmičarska komisija Saveza redovno u toku takmičarske sezone prati realizaciju kalendara, tok takmičenja. O svojim aktivnostima svaka 2 mjeseca izvještava Stručni odbor Saveza.

### **Član 94.**

Za tumačenje ovog Pravilnika nadležan je Stručni odbor. **Upravni odbori TSBIH nadležan je za rješavanje svih drugostepenih postupaka, po odlukama Takmičarske komisije i Stručnog odbora.**

### **Član 95.**

Usvajanjem ovoga Pravilnika o pojedinačnim takmičenjima prestaje da važi dosadašnji Pravilnik o teniskim takmičenjima.

Sarajevo,